



Ovaj projekat finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

LOKALNA PARTNERSTVA ZA ZAPOŠLJAVANJE U BOSNI I HERCEGOVINI

INFORMACIJE O PROJEKTU

UVOD

Cilj projekta «Podrška lokalnim partnerstvima za zapošljavanje u Bosni i Hercegovini» kojeg finansira Evropska unija sa 4 miliona eura a provodi Međunarodna organizacija rada (ILO) je da se kroz institucionalizaciju partnerstava poveća zapošljivost i stvore nova radna mjesta primarno za socijalno ugrožene kategorije stanovništva uključujući žene, mlade, manjinske zajednice, povratnike, interno raseljena lica i teško zapošljive osobe posebno u područjima pogođenim poplavama.

Ovim će se doprinijeti reformi tržišta rada u našoj zemlji tako što će se uz strategije ekonomskog razvoja i zapošljavanja koje postoje na entitetskom nivou početi provoditi i strategije na lokalnom nivou kojima će se na izravan način usaglašavati i usklađivati potrebe poslodavaca, tj. potrebe za radnom snagom odnosno potrebe za određenim znanjima i vještinama uposlenih, i ponuda radne snage kroz prekvalifikaciju i nalaženje pravih ljudi za poslove.

Zbog toga će sva partnerstva u svome sklopu imati po barem jednog predstavnika od pet ključnih lokalnih aktera koji uključuju **opštine ili gradove, javne službe za zapošljavanje, poslodavce, obrazovne institucije i nevladine organizacije** koje između ostalog mogu biti i agencije za lokalni i/ili regionalni razvoj, privredne komore, udruženja poslodavaca, sindikati, itd.

Partnerstvima će za provođenje njihovih aktivnosti, tj. za provođenje aktivnih mjera na tržištu rada, biti pružena kako finansijska podrška u obliku grantova u iznosima od 150,000 do 200,000 eura tako i tehničko-savjetodavna

podrška koju će im ILO pružati tokom cijelog provođenja projekta uključujući i osam ciklusa obuke.

Projekat se počeo provoditi u martu 2016. godine i trajaće tri godine. Projekat je dio EU Programa za lokalni razvoj i zapošljavanje kojeg Evropska unija finansira sa 19 miliona eura a provode ga UNDP, GIZ i ILO.

Krajnji korisnici projekta lokalnih partnerstava za zapošljavanje su trenutno nezaposleni i njihove porodice kao i sami članovi partnerstava.

ZAŠTO LOKALNA PARTNERSTVA

Koncept lokalnih partnerstava za zapošljavanje nije nov u Evropskoj uniji i počeo se primjenjivati 1997. godine. Razloga za to je bilo više a glavni je taj da su do tada partnerstva za zapošljavanje uglavnom bila uspostavljena na državnom nivou i da su primarno uključivala nacionalne ili multinacionalne korporacije, najznačajnije obrazovne institucije na istom nivou, te državne institucije, dok su u velikoj mjeri isključivala mikro, mala i srednja lokalna preduzeća i nisu imala uvid niti bila usklađena sa lokalnom ekonomskom situacijom i nivom razvoja lokalnih ekonomija.

Lokalna partnerstva za zapošljavanje su se počela osnivati kako bi se paralelno sa državnim, ili u slučaju Bosne i Hercegovine entitetskim, strategijama za ekonomski razvoj i zapošljavanje, počele razvijati i lokalne strategije te efektivno koristiti i lokalni potencijali za ekonomski razvoj i zapošljavanje i time efikasnije usklađivala ponude i potražnje radne snage i razvoj lokalnih i regionalnih preduzeća. Ovim se direktno smanjuje nezaposlenost na lokalnom a samim tim i na državnom nivou.

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini“ je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

● Fra Anđela Zvizdovića 1, B/XII,
71000 Sarajevo, Bosna i Hercegovina
● tel: + 387 33 29 57 36
● fax: + 387 33 29 57 41
● e-mail: lep@ilo.org
● facebook.com/LEPSupport/
● twitter.com/LEPSupport
www.partnerstvo.ba



Ovaj projekt finansira Evropska unija



LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI



International Labour Organization

Usklađivanje ponude i potražnje radne snage i uklanjanje prepreka za zapošljavanje

Na svakom tržištu rada pa tako i na lokalnom dolazi do procesa usklađivanja ponude i potražnje za radnom snagom ali ovaj proces ne teče uvijek bez prepreka. Često poslodavci ne mogu naći uposlenike koji posjeduju sva znanja i vještine koje su im potrebne, dok potencijalni uposlenici ne nalaze poslove koji odgovaraju njihovoj stručnoj spremi i profesionalnim aspiracijama ili se susreću sa drugim preprekama kao što su problemi sa obezbjeđivanjem dnevne brige za djecu, prevozom do radnog mjesta ili kulturološkim barijerama vezanim za rodnu jednakost koje za posljedicu imaju veći stepen nezaposlenosti među ženama.

Lokalna partnerstva za zapošljavanje se uspotavljaju upravo da bi se našla rješenja za ove probleme. U tome svaki od aktera u partnerstvu ima važnu ulogu.

Poslodavci su ključni izvor informacija o tome koji profil radnika je trenutno u potražnji i kakve kvalifikacije će se očekivati kod budućih radnika u skladu sa njihovim razvojnim planovima.

Obrazovne institucije, kako formalne tako i neformalne, razvijaju programe prekvalifikacije postojeće radne snage u skladu sa potrebama poslodavaca te programe obuke za buduće radnike u skladu sa planovima poslodavaca. One ovo rade u saradnji sa institucijama za akreditovanje obrazovnih programa.

Javne službe za zapošljavanje u saradnji sa poslodavcima prave analizu sadašnjih i budućih potreba za radnom snagom kao i analizu raspoložive radne snage kao primarni kontakt za nezaposlene, te ujedno predstavljaju i poveznicu između poslodavaca, obrazovnih institucija, nezaposlenih ali i organa lokalne samouprave, a sve u svrhu pravljenja plana za prekvalifikaciju, obrazovanje i zapošljavanje.

Organi lokalne samouprave, tj. gradovi i opštine imaju važnu ulogu u pružanju podrške i poticaja poslodavcima za njihov dalji razvoj i zapošljavanje te u saradnji sa drugim

nadležnim institucijama i javnim preduzećima doprinose uklanjanju prepreka za zapošljavanje npr. obezbjeđivanjem adekvatnog prevoza za radnike i dnevne brige za djecu.

Nevladine organizacije u skladu sa svojim ciljevima bile to agencije za razvoj, udruženja poslodavaca, sindikati ili organizacije za promovisanje rodne jednakosti, lokalnog razvoja i prava na rad, imaju funkciju dodatne koordinacije svih aktera i zastupanja njihovih interesa a primarno interesa nezaposlenih i ugroženih socijalnih kategorija.

Lokalna partnerstva koja uključuju sve ove aktere su stoga u poziciji da razviju sveobuhvatne strategije za lokalni razvoj i zapošljavanje kao i akcione planove za zapošljavanje te da koherentno rade na njihovom provođenju, smanjenju nezaposlenosti i podizanju životnog standarda u lokalnim zajednicama.

Iz ovoga poizilazi da se lokalnim razvojem najbolje upravlja lokalno putem samoodrživih i institucionaliziranih partnerstava u kojima svaki od aktera ima važnu i neizostavnu ulogu, a sve u skladu sa već postojećim strategijama za razvoj koje se odnose na područja u kojima su partnerstva osnovana.

Dok se efekti rada lokalnih partnerstava prevashodno osjete na lokalnom nivou oni direktno utiču i na smanjenje nezaposlenosti na državnom nivou.

USPOSTAVLJANJE , ODABIR I ULOGA PARTNERSTAVA U PROJEKTU

Projektat «Podrška lokalnim partnerstvima za zapošljavanje u Bosni i Hercegovini» (LEP) počeo se provoditi u martu 2016. Nakon uvodne faze projekta i uspostavljanja projektnog tima, 15. jula 2016. putem dnevnih novina i web stranica Evropske unije, UN-a u Bosni i Hercegovini i entitetskih asocijacija gradova i opština objavljen je javni poziv za predavanje konceptnih nota tj. projektnih prijedloga za potencijalna lokalna partnerstva za zapošljavanje. Rok za predavanje projektnih prijedloga za dodjelu grantova je bio 6.

LOKALNA PARTNERSTVA ZA ZAPOSŁJAVANJE
U BOSNI I HERCEGOVINI

Projektat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

● Fra Anđela Zvizdovića 1, B/XII,
71000 Sarajevo, Bosna i Hercegovina
● tel: + 387 33 29 57 36
● fax: + 387 33 29 57 41
● e-mail: lep@ilo.org
● facebook.com/LEPSupport/
● twitter.com/LEPSupport
● www.partnerstvo.ba



Ovaj projekt finansira Evropska unija



LOKALNA PARTNERSTVA
ZA ZAPOŠLJAVANJE
U BOSNI I HERCEGOVINI



International Labour Organization

septembar 2016. a njemu je prethodilo 46 informativnih sesija koje je osoblje ILO-a organizovalo za sve zainteresovane lokalne aktere i to u tri ciklusa.

Odziv na javni poziv je bio veliki i čak 157 potencijalnih partnerstava je predalo svoje prijedloge.

Prijedlozi su evaluirani sa tehničkog i administrativnog aspekta i 48 potencijalnih partnerstava čiji su prijedlozi dobili najviše ocjene je pozvano da do 30. januara 2017. predaju svoje pune projekte odnosno aplikacije za dodjelu grantova. Sa njima su održana dva ciklusa obuke kako bi na jednakim osnovama mogli razviti svoje aplikacije.

Evaluacija aplikacija će se okončati krajem marta 2017. a u aprilu će početi dodjela grantova Evropske unije za 15 do 20 lokalnih partnerstava za zapošljavanje u ukupnom iznosu od 3 miliona eura, tj. 150,000 do 200,000 eura po partnerstvu.

Partnerski odnosi i odgovornost

Već na samom početku provedbe LEP projekta lokalni akteri koji su se odazvali na javni poziv imali su za obavezu da definišu međusobne partnerske odnose dok su projektne prijedloge u ime potencijalnih partnerstava predavali vodeći aplikanti.

Ovo je bilo važno jer će tokom provođenja aktivnosti na terenu lokalna partnerstva biti ta koja će snositi odgovornost za uspješnost svojih aktivnosti - svaki akter u skladu sa svojom ulogom u partnerstvu - dok će vodeći aplikanti biti odgovorni za finansijski menadžment i upravljanje sredstvima primljenim u obliku grantova kao i za izvještavanje prema LEP projektu, odnosno ILO-u i Evropskoj uniji kao donatoru.

Pored grantova koji će biti dodjeljeni partnerstvima svako partnerstvo je bilo dužno obezbjediti i sufinansiranje svojih aktivnosti u iznosu od 10 do 40 odsto vrijednosti granta tj. u slučaju dodjele granat od 200,000 eura partnerstva su morala obezbjediti sufinansiranje aktivnosti u iznosu od 20,000 to 80,000 eura tako da ukupna vrijednost njihovih aktivnosti na terenu iznosi od 220,000 do 280,000 eura.

GRANTOVI

Kao što je već navedeno grantovi će biti dodjeljeni lokalnim partnerstvima za zapošljavanje za provođenje njihovih aktivnosti na terenu. Grantovi u iznosima od 150,000 do 200,000 eura će se isplaćivati u tranšama (50% avansno, 40% srednjoročno i 10% po odobrenju finalnog izvještaja) na račun vodećeg aplikanta u svakom od partnerstava u toku provođenja projektnih aktivnosti.

FAZE PROJEKTA

LEP projekat se provodi u nekoliko faza.

1. Uvodna faza

Uvodna faza projekta koja je trajala od marta do juna 2016. je iskorištena za uspostavljanje projektnog tima i razvoj kriterija i dokumentacije za javni poziv za potencijalna lokalna partnerstva za zapošljavanje za predavanje projektnih prijedloga tj. koncept nota za dodjelu grantova.

2. Odabir partnerstva

Druga faza projekta se odnosi na odabir partnerstava koja će biti podržana kroz LEP projekat i uključuje prikupljanje i evaluaciju koncept nota te prikupljanje i evaluaciju punih projektnih prijedloga za dodjelu grantova. Ova faza je počela u julu 2016. i biće okončana krajem marta 2017.

3. Provođenje aktivnosti na terenu i obuka

Lokalna partnerstva za zapošljavanje će početi provoditi svoj aktivnosti na terenu nakon dodjele prve tranše grantova u aprilu 2017. godine. Njihove aktivnost će trajati do decembra 2018. godine. Tokom ovog perioda Evropska unija i ILO će pružati kontinuiranu podršku partnerstvima. ILO će voditi partnerstva kroz sve faze provođenja njihovih aktivnosti i pružaće im savjetodavnu i tehničku podršku uključujući i osam ciklusa obuke. Obuke će se odnositi na:

- upravljanje i provođenje projekata;
- efektivno upravljanje partnerstvima;

LOKALNA PARTNERSTVA ZA ZAPOŠLJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini“ je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

● Fra Anđela Zvizdovića 1, B/XII,
71000 Sarajevo, Bosna i Hercegovina
● tel: + 387 33 29 57 36
● fax: + 387 33 29 57 41
● e-mail: lep@ilo.org
● facebook.com/LEPSupport/
● twitter.com/LEPSupport
● www.partnerstvo.ba



Ovaj projekat finansira Evropska unija



LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI



International Labour Organization

- procjenu potreba ljudi koji traže posao, poslodavaca, potencijalnih investitora i mjera za povećanje potražnje radne snage;
- analizu ponude na tržištu rada i pružanje usluga nezaposlenima;
- analizu lokalnih strategija za zapošljavanje i njihovo poboljšanje;
- razvoj lokalnih akcionih planova za zapošljavanje; i
- monitoring i evaluaciju provođenja lokalnih strategija i akcionih planova za zapošljavanje.

4. Prenos znanja i najboljih praksi

Zadnja faza projekta koja će se provesti u januaru i februaru 2019. godine odnosi se na prenos znanja i najboljih praksi prikupljenih provedbom LEP projekta na relevantne institucije u Bosni i Hercegovini kao bi se iste mogle replikovati sa ili bez pomoći međunarodne zajednice.

DOPRINOS EVROPSKE UNIJE

LEP projekat, koji je integralni dio EU Programa za lokalni razvoj i zapošljavanje koji Evropska unija finansira iz IPA fondova (instrumenti pretpristupne pomoći) sa 19 miliona eura, predstavlja nadgradnju prijašnjih intervencija Evropske unije na ovom polju u Bosni i Hercegovini.

LEP gradi na rezultatima prijašnjih programa i projekata Evropske unije uključujući program za zapošljavanje i zadržavanje mladih u zemlji, te projekte za poboljšanje aktivnih tržišta rada u BiH, razvoj sektora zapošljavanja, uspostavljanje standarda za obrazovanje odraslih osoba, uspostavljanje i jačanje poslovne infrastrukture u cilju poboljšanja konkurentnosti malih i srednjih preduzeća, te projekte za integrisanu lokalni razvoj. LEP također doprinosi provođenju *Sporazuma za rast i zapošljavanje*, specifično drugog prioriteta ovog sporazuma koji se odnosi na uklanjanje prepreka za zapošljavanje.

LEP projekat predstavlja još jedan konkretan primjer kontinuirane pomoći Evropske unije Bosni i Hercegovini

na njenom putu razvoja uključujući kroz razvoj institucija, stvaranje novih radnih mjesta i poboljšanja životnog standarda ugroženih kategorija stanovništva.

DOPRINOS MEĐUNARODNE ORGANIZACIJE RADA

ILO je jedina tripartitna agencija UN-a koja od 1919. godine spaja vlade, poslodavce i predstavnike radnika u 187 zemalja članica. Glavni ciljevi ILO-a su promovisanje prava na rad, podsticanje uspostavljanja dostojanstvenih uslova za rad, poboljšanje socijalne zaštite i ojačavanje dijaloga po pitanjima vezanim za rad.

Kao takav ILO posjeduje jedinstvenu ekspertizu koja je potrebna za stvaranje samoodrživih lokalnih partnerstava za zapošljavanje čije će prakse dalje doprinijeti reformi tržišta rada u Bosni i Hercegovini i njegovom oživljavanju te će kroz društveni dijalog i partnerstvo stvoriti veće mogućnosti za zapošljavanje žena i muškaraca i omogućiti im da ostvare svoje pravo na dostojanstven rad i plaće.

ILO će voditi i pružati tehničku podršku lokalnim partnerstvima za zapošljavanje tokom cijele provedbe projekta sa posebnim fokusom na provođenje aktivnih mjera na tržištu rada u cilju povećanja zapošljivosti i stvaranja novih radnih mjesta.

Rad ILO-a sa potencijalnim partnerstvima je počeo već u julu 2016. godine kada je počeo pružati informacije i podršku svim zainteresovanim akterima i nastaviće se još jačim intenzitetom nakon odabira partnerstava čije će aktivnosti biti podržane i finansirane kroz LEP projekat.

BROJEVI I ČINJENICE

Vrijednost projekta: 4 miliona eura (sredstva Evropske unije)

Trajanje projekta: mart 2016. – februar 2019.

Vrijednost grantova za partnerstva: 150,000 – 200,000 eura

Broj partnerstava koja će biti podržana: 15 – 20

Krajnji korisnici: trenutno nezaposleni i njihove porodice

LOKALNA PARTNERSTVA ZA ZAPOSŁJAVANJE
U BOSNI I HERCEGOVINI

Projekat „Podrška lokalnim partnerstvima za zapošljavanje u Bosni i Hercegovini” je dio EU Programa za lokalni razvoj i zapošljavanje kojeg Evropska unija finansira sa 19 miliona eura. Tri projekta koja djeluju u okviru ovog Programa će do januara 2019. godine provoditi UNDP, GIZ i ILO kao bi podržali ekonomski oporavak područja pogođenih poplavama, lokalni ekonomski razvoj i aktivnosti lokalnih nevladinih organizacija usmjerenih ka društvenom razvoju i oporavku, te kako bi razvili strukturalne mjera za povećanje zapošljavanja putem lokalnog integrisanog razvoja.

● Fra Andela Zvizdovića 1, B/XII,
71000 Sarajevo, Bosna i Hercegovina
● tel: + 387 33 29 57 36
● fax: + 387 33 29 57 41
● e-mail: lep@ilo.org
● facebook.com/LEPSupport/
● twitter.com/LEPSupport
● www.partnerstvo.ba